

# L'Ems-Chemie undrada da Great Place To Work

Excellenta furmazion professiunala d'emprendistas ed emprendists tier Ems-Chemie

■ (cp) L'Ems-Chemie è l'emprima interpresa industrialia dal Grischun che vegn undrada da l'agentura da certificaziun e cussegliaziun Great Place To Work (GTPW) sco «manaschi d'emprendissadi certifitgà da la Svizra». L'EMS scolescha emprendistas ed emprendists a moda exemplarica ed è a la testa en Svizra quai che riguarda la furmazion professiunala: Motivs avunda per vegnir undrada sco in dals megliers manaschis d'emprendissadi da la Svizra.

## Ina scolaziun d'emprima qualidad porta prestaziuns maximalas

Durant la procedura da certificaziun ha Great Place to Work examinà la scolaziun da l'EMS, cumprovada dapi passa 73 onns, en cumparegliaziun cun auters manaschis d'emprendissadi en Svizra. La buna organisaziun, la scolaziun pratica e l'accompagnament cumplexiv dals emprendists èn las caracteristicas positivassas che distinguan l'EMS. En pli porscha l'EMS als emprendists dapi onns segurns linguistics e praticums a l'exteriur, integrescha els activamain en conferenzas da medias ed en la radunanza generala ed engascha ils «spezialists giuvens» sco manaders da lavuratori durand occurrenzas sco il pass da vacanzas, il di da l'avegnir ed ils champs Mint. Er en la scolaziun sco tala metta l'EMS accents cun prestaziuns maximalas: Dapi onns termineschan las emprendistas ed els emprendists da l'EMS lur emprendissadi en media cun ina nota sur 5.0!

## Emprendists valiteschan e stiman l'auta qualidad da la scolaziun

En il rom dal giudicament èn ils 140 emprendists da l'EMS vegnids dumandads anonimamain davart la qualidad e

l'attractividad da la furmazion professiunala tar l'EMS. Els giuditgeschan la scolaziun tar l'EMS sco «top» e recumondan lur professiun a glied pli giuvna ch'è a la tschertga d'ina piazza d'emprendissadi. «Noss emprendists pon lavurar independentamain suenter paucs mais e surpligiar responsabladad gia fitg baud», explitgescha *Magdalena Martullo*, la scheffa da l'EMS. «Nus duvrain adina puspè innovaziuns e novas ideas.» Ils empen-

dists stiman ils instructurs da professiun e da pratica cumpetents, l'auta qualidad e la lavur independenta. Populars èn er ils segiurns a l'exteriur unics. «Nus avain sa chapescha grond plaschair da l'undraziun Great Place To Work», manegia *Beatrice-Manuela Eberle*, manadra da la scolaziun professiunala da l'EMS. «Ils emprendists e lur svilup duain er en l'avegnir esser en il center tar nus. Nus vulain promover noss spezialists futurs –

els èn noss avegnir e garanteschon il success da l'interpresa e da la regiun.»

## La scolaziun d'emprendists è ina tradiziun tar l'EMS

Dapi il 1943 ha l'EMS scolà var 3000 emprendists. L'emprim emprendist da lezzas uras è stà in laborant da chemia. Dapi quel temp promova l'EMS sapienivamain ed a moda engaschada il model da la furmazion professiunala duala en

Svizra, era cun novas professiuns d'emprendissadi. L'EMS è la pli gronda scola d'emprendists e scolescha ultra dals agens 140 emprendists en 13 professiuns er anc 100 emprendists per 80 manaschis da terzs. Quai è ina contribuzion impurtanta per garantir l'avegnir professiunala qualifitgà dal Grischun.

## Scolaziun professiunala tar l'Ems-Chemie

L'EMS scolescha 140 agens emprendists e 100 emprendists per manaschis da terzs en 13 professiuns d'emprendissadi: Chatta era ti ina piazza d'emprendissadi tar l'EMS sut [www.lehrebeieims.ch](http://www.lehrebeieims.ch). Great Place to Work® ha agenturas en passa 50 pajais. La rangaziun dals «megliers employaders» da Great Place to Work® è en l'entir mund cun mintg'onn var 10 000 interpresas examinadas l'iniziativa la pli gronda ed enconuschenta per megliar la cultura al plaz da lavur. L'undraziun «manaschi d'emprendissadi certifitgà da la Svizra», da la quala pon far part interpresas da tut las grondezzas, branschas e regiuns, vegn surdada dapi il 2017 a:

- manader/manadra d'indrizz
- constructor/constructura d'indrizz e d'apparats
- automaticher/automatica
- electroinstallatur/electroinstallatura
- spezialist/spezialista mantegniment dal manaschi
- informaticher/informatica
- commerziant/commerzianta
- constructor/constructor
- tecnolog/tecnologa da materias sinteticas
- laborant/laboranta da chemia
- logisticher/logistica
- mediamaticher/mediamatica
- polimecanist/polimecanista



La scheffa da l'EMS Magdalena Martullo cun sias emprendistas e ses emprendists.